

# Váráleamos mirkoguobbarat Ruotas!



- Ale čoakke guobbariid mat leat daid hápmái mat leat girjjážiš!
- Váldde dušše guobbariid maid vissásit dovddat!
- Ale máistte! Mirkoguobbaris sáhtta maid leat njálgga máhku!
- Divtte dušše rávesolbmo guhte dovda guobbariid buhtistit daid!
- Fidne ođđaáigásaš guoppargirjji!



## Rukses čuorpmasguoppar

*Amanita muscaria*

Gahpir 10–25 cm. Gahpirivdni rievda girkes ruoksadin gitta guvges hillaruoksadin. Dielkkut lea vielgat. Máddagis lea govdes riekkis ja vuolit oassi lea bohtanan. Šaddá soahkevuvddiin ja goahccevumiin.



## Ruškes čuorpmasguoppar

*Amanita muscaria var. regalis*

Ruškes dahje fiskesruškes gahpir lea 10–20 cm ja das leat vilges dielkkut. Máddagis lea čielga riekkis ja vuolit oassi lea bohtanan. Šaddá goahccevumiin.



## Panterčuorpmasguoppar

*Amanita pantherina*

Gahpir lea sullii 5–12 cm ja das leat ránes ivnnit. Dielkkut leat vielgadat, riekkis máddagis váilo muhtimin. Vuolit oassi máddagis lea bohtanan. Šaddá dávjá lastavuvddiin ja párkkein, muhto muhtimin maid goahccevuvddiin.

Dáin golbma šlájain leat gahpirat dielkkuiguin. Muhto dielkkut luovvanit álkit ollásit dahje muhtimat váilot.

### Mirkku doaibma ja symtomat

Visot dát guobbarat sisdoallet mirkku mii sehkke nearvavuogádaga. Sáhtta oažžut oaivejorrama, jorbbeasteami, ráfehivuoda dovddu, heajus dihtomielalašvuoda ja deahkkegeasáhaga. Muhtimin maid illáveadjin ja vuoksamiid.

### Got oahpat eanet guobbariid birra?

- Geahččal čuovvut guoppargurse dahje olgobeavvi. Gávdnojit sihke oahpposearvit ja searvit mat lágídit diekkáriid.
- Buorit ruovttosiiddut: [www.svampkonsulent.se](http://www.svampkonsulent.se) • [www.svampguiden.com](http://www.svampguiden.com)

**112** Ringe 112 go lea mirkkoluvvon ja gáibit Mirkodiehtujuohkima – jándora birra.  
Ringa 010-456 6700 jus ii leat nu hehti • [www.gic.se](http://www.gic.se)



## Vilges čuorpmasguoppar

*Amanita virosa*

Olles guoppar lea vielgat. Gahpir 5–12 cm. Máddagis lea čielga riekkis ja muhtimin riekkis váilo. Go mirkoguobbarat leat oalle nuorat de leat moni hápmái. Vuolit oassi máddagis, mii dávjá lea guhkkín sepmola vuolde, lea bohtanan. Vilges čuorpmasguoppar šaddá goahccevumiin ja bok-muoraid vumiin gos leat sepmolat.

### Mirkku doaibma ja symtomat

Mirku billista vuoivasa. Mearkkat ahte lea mirkkoluvvon lea čáhccas luhca, illáveadjin ja vuovssadeamat mat álget mánga diimmu manjil guobbara borrama. Várra duođalaš vuoivvasbillisteapmái lea stuorat. Sáhtta jápmit mirkkoheamis.



## Javzás čuorpmasguoppar

*Amanita phalloides*

Gahpir 5–12 cm. Gahpirivdni sáhtta rievdat, meastá ollát vielgadin gitta ruonálágán dahje ránes ja čuvgesruškes. Gáhkut lea vielgat. Máddagis lea asehis riekkis, muhtimin dat váilo. Vuolit oassi máddagis lea bohtanan. Javzás čuorpmasguoppar šaddá lastavuovddis, vuovddis (lastta- ja goahccemuorat šaddet ovttas) ja gittiin main šaddá bok-, ek- ja hassel- muorat.

### Mirkku doaibma ja symtomat

Sisdoallá seammá mirkku dego vilges čuorpmasguoppar. Addá seammá symtomaid ja lea seamme váralaš – geahča badjelis!



## Toppig giftspindling

*Cortinarius rubellus (C. speciosissimus)*

Gahpir 4–8 cm. Olles guoppar rievdá ruksesruškadis gitta fiskesruškadin. Gahpir lea dávjá ceakkas, muhto ii álo. Šaddá goahccemeahcis gos leat sepmolat ja bok- muorat. Okta eará šládja mii sisdoallá sullásaš mirkku lea *C. orellanus*. Šaddá lastavuovddis main šaddá bok-, ek- ja hassel- muorat.

### Mirkku doaibma ja symtomat

Mirku billista monimuččaid mat sáhttet ollásit billistuvvot. Mearkkat mirkoluvvomii eai boađe ovdal mánga beavvi leat gollan. Sáhtta leat eanet goiku, deahkkevárka, lassánan dahje unniduvvon gožžamearri. Mirkoluvvon sáhtta dárbbahit dialysmeannudeami guhkes áiggi ja soaitá dárbbahit ođđa monima.



## Geađgebealljeguoppar

*Gyromitra esculenta*

Geađgebealljeguoppar gullo ollát iežá guopparjovkui. Gahpir lea 4–12 cm, jorbbas ja máhcas. Máddagis sáhttet leat sierra ivnnit, čuvges ránes, ruškes dahje guvges violeahhta ivnnit. Geađgebealljeguoppar šaddá giđdat cuonmánus gitta soagit leat runidan, dávjá meahcceluottaid mielde, gudduid birra dahje čuolahagain.

### Mirkku doaibma ja symtomat

Mirku ráfehuhtta nearvavuogádaga ja sáhtta maid billistit varragorudiid ja vuoivasa. Mirkoluvvama mearkkat lea oaivejorran, oaidná duppaliin ja seagus sáhka. Sáhtta maid leat illáveadjin ja čoavjebávččas.



**Giftinformationscentralen**

SWEDISH POISONS INFORMATION CENTRE